

Segun Golden Records Publishing Group

"For Fans Only" ta Best Road Jam & Media Airplay Carnaval Hit 2006

ORANJESTAD (AAN): The Golden Records Publishing Group cu ta dispone di 18 aña di experiencia y ta alaves traha den estrecho cooperacion cu instancianan renombra den exterior.

The Golden Records Publishing Group pa medio di e comunicado aki ta informa oficialmente cu e mihor Road Jam y Media Airplay Carnaval Hit 2006 cu 77 punto a resulta e cancion "For Fans Only" canta pa T-Money Anthony (Tony) Mingo y e agrupacion musical "Le Groove" y compone pa Anthony Gario.

Na di dos lugar cu 76 punto a resulta e cancion "E Lenga" canta pa Mighty Talent Claudius Philips y e agrupacion musical "Oreo" y compone pa Claudius Philips.

Na di tres lugar cu 73 punto a keda "Scooby Do" canta pa Mighty Hippy y acompaña pa e agrupacion musical NBO.

Pa por a saca e mihor cancion di Carnaval 52 no tabata facil na varios ocasion e dos cancion di carnaval cu a hala mas atencion di e publico esta For Fans Only y

E Lenga a sa di tabla cu otro. Mester remarca si cu e cancion For Fans Only a keda stabil mientras cu E Lenga a crece den e ultimo siman di Carnaval 52.

Nos directiva pa medio di e grupo di expertonan cu nos ta dispone di djé a traha hopi duro pa por a escohe e berdadero ganador absoluto di nos Carnaval 52. E trabao cu nos a haci no tabata facil y ta prome biaha den historia cu nos ta confronta un situacion asina delicado y dificil.

E proceso pa saca e mihor cancion di Carnaval 52 a cuminsa na e parada di luz na San Nicolas, despues a sigui e parada di carnaval di mucha na San Nicolas, e parada di carnaval di mucha na Oranjestad, e actividad di Hebehebe, e parada di luz di Aruba Tivoli Club, e Jouvert Morning na San Nicolas, e parada grandi di carnaval na San Nicolas, e parada di carnaval grandi na Oranjestad, evento di momito na San Nicolas na unda nos a haci grabacionnan importante di tur e eventonan aki.

Pa loke ta e evento di momo na Oranjestad esey nos a ricibi cooperacion di Tele Aruba y ATV Canal 15 pa cual nos kier a gradici nan pa nan cooperacion.

Tambe nos kier a gradici ATV Canal 15 pa e material di grabacion Live haci den Joe Laveist Sport Park pa cu e presentacion di T-Money y Le Groove cu e cancion For Fans Only. Aparte cu mester a analisa cada grabacion di e eventonan menciona nos mester a tene cuenta tambe con e publico ta reacciona banda di caminda y durante e Jouvert Morning y momito con e publico ta reacciona tanto den e parada y banda di caminda pa cu e banda musical y e cancion cu nan ta tocando.

Tambe nos a pone hopi atencion pa cu e publico den e Last Lap y banda di caminda. Nos a analisa tambe e gruponan participando den nos carnaval e cancion cu mas nan ta gusta baila etc.

Mientras na radio nos a para scucha cada programa di carnaval y transmision di carnaval como tambe cua

cancion ta mas pidi y toca na radio. Na television cua video ta mas pidi pa publico. Nos ta tene cuenta masha hopi si ambos cancion ta forma parti di e categoria di calypso pa cual ambos cancion tabata 100% calypso estilo unico di Aruba.

Despues di a haci un trabao masha extenso pa cu estudio di e dos cancionnan For Fans Only di Le Groove y E Lenga di Oreo a bin conclui cu e cancion cu a sobre sali pa un punto di diferencia ta For Fans Only cu 77 punto contra di E Lenga cu 76 punto.

Mester menciona cu un Roadmarch ta worde toca pa mayoria banda durante paradanan di carnaval na unda nos por a tuma nota di esaki na varios ocasion tambe.

Pero aparte di esey e cancion mas gusta pa e comunidad cual ta e Road Jam y Media Airplay Carnaval Hit 2006 aworde toca masha hopi tambe y pesey na algun ocasion e dos cancionnan aki hasta a sa di tabla cu otro.

Nos kier a trece un remarca importante pa dilanti e huzgamento kende a sali e mihor Road Jam y Media Airplay Carnaval Hit no ta termina despues di e parada grandi di carnaval na Oranjestad pero na e kimamento di momo na Oranjestad.

Nos ta lamenta cu e agrupacion musical Oreo no a asisti na e evento di momito na San Nicolas y ni tampoco na evento di momo na Oranjestad pa cual nan a limita nan oportunidad completamente aunke nan tin un diferencia masha chiquito mes.

Conteo di puntonan, analisisnan haci, grabacionnan audio visual haci di tur e eventonan, observacionnan y huzgamentonan haci entre e

dos cancionnan menciona aworde haci a base di reglanan internacional y cu ayudo di nos expertonan local.

E parti technico ta compli cu tur exigencianan y reglanan describi. Pesey a tarda un poco pa por a escohe e ganador berdadero di e categoria menciona y di e temporada di Carnaval 52. Un biaha mas e tarea no tabata facil.

Pero despues di a haci un trabao y investigacion serio y hopi profundo di e dos cancionnan menciona nos a logra di saca e berdero ganador.

The Golden Records Publishing Group su team a traha hopi duro y tabata tin un tarea dificil pa por escohe cua di e dos cancionnan ta mas toca, baila, solicita y gusta pa e gran publico banda di caminda, gruponan di carnaval, oyentenan, teledidentenan y esnan via di internet. The Best Road Jam & Media Airplay Carnival Hit 2006.

Tambe nos kier a menciona cu e cancion "For Fans Only" di T-Money acompaña pa e banda musical Le Groove tin oportunidad grandi di por ta den e cancionnan mas importante di aña 2006 esaki debi cu despues di e temporada di carnaval e cancion ta hopi toca y solicita na radio emisoranan local y masha toca publicamente.

Di parti The Golden Records Publishing Group un palabra di pabien na e banda musical Le Groove, Anthony Gario y specialmente na Anthony (Tony) Mingo cu nan super exito For Fans Only cu a bira oficialmente The Best Road Jam & Media Airplay Carnival Hit 2006.

Directiva di The Golden Records por worde haya na Congoweg 47, na telefon 964-4559.